



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU SOCIJAL DEMOKRATSKOG FRONTA BIH

Broj: 03-07-6-316/18  
Sarajevo, 25.07.2019. godine

## SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI .....	5
5.2 PREPORUKE.....	6

## **MIŠLJENJE REVIZORA**

Služba za reviziju finansiranja političkih stranaka je izvršila pregled godišnjeg finansijskog izvještaja Socijal demokratskog fronta BiH za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2017. godinu, utvrđeno je da je Socijal demokratski front BiH prekršio odredbe člana 5. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Socijal demokratskog fronta BiH za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Socijal demokratski front BiH se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica ( 3-a )	0,00	0,00
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	0,00	0,00
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>0,00</b>	<b>0,00</b>
<b>II</b>	<b>Ostali prihodi i drugo</b>	<b>100,00</b>	<b>100,00</b>
	<b>Izvori finansiranja (I+II)</b>	<b>100,00</b>	<b>100,00</b>

U godišnjem finansijskom izvještaju stranka nije iskazao rashode<sup>1</sup>.

## 2. PREDSTAVLJANJE POLITIČKE STRANKE

Naziv političke stranke je Socijal demokratski front BiH. Skraćeni naziv je SDF BiH.

Socijal demokratski front BiH upisan je u registar kod Općinskog suda u Mostaru, rješenjem broj: R/2-14 od 24.04.2014. godine. Rješenjem Općinskog suda u Mostaru broj: R/2-17 od 29.05.2017. godine upisana je promjena predsjednika stranke.

Sjedište stranke je u Mostaru, Gaše Ilića br. 13.

Ovlašteno lice za zastupanje stranke je Nihad Cokoja, predsjednik.

Ovlašteno lice za finansijske izvještaje za 2017. godinu je Hatidža Gagula.

Prema podacima iz godišnjeg finansijskog izvještaja za 2017. godinu, Socijal demokratski front BiH ima sljedeću organizacionu strukturu:

- Centrala stranke.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Socijal demokratskog fronta BiH za 2017. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih

<sup>1</sup> Prema podacima iz poslovnih knjiga, stranka je u 2017. godini ostvarila ukupne rashode u iznosu od 108,40 KM.

zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Socijal demokratskog fronta BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Pregled i kontrola finansijskih izvještaja Socijal demokratskog fronta BiH izvršeni su u periodu od 2014. do 2016. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2016. godinu, izdat je Izvještaj o pregledu sa mišljenjem revizora i preporukama stranci da vodi evidencije o primljenim priložima, da vodi potpune evidencije o prihodima i rashodima i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

##### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2017. godinu, utvrđeno je da stranka nije ispoštovala sve preporuke.

#### **5. NALAZI I PREPORUKE**

##### **5.1 NALAZI**

##### **a) Socijal demokratski front BiH prekršio je odredbe člana 5. stav (4) Zakona o finansiranju političkih stranaka.**

Stranka nije u poslovnim knjigama i finansijskom izvještaju evidentirala nenovčanu donaciju po osnovu besplatnog korištenja poslovnog prostora, čime je prekršila odredbe člana 5. stav (4) Zakona o finansiranju političkih stranaka.

Uvidom u Izjavu o korištenju poslovnog prostora broj: 02-10/18 od 26.10.2018. godine, utvrđeno je da stranka koristi prostorije u Mostaru, na adresi ul. Gaše Ilića 13, bez naknade.

Socijal demokratski front BiH je korištenjem poslovnog prostora bez plaćanja zakupnine, ostvario nenovčanu donaciju, koju je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka imao obavezu da evidentira u poslovnim knjigama i prijavi u godišnjem finansijskom izvještaju za 2017. godinu.

##### **b) Socijal demokratski front BiH prekršio je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.**

Pregledom godišnjeg finansijskog izvještaja, utvrđeno je da Socijal demokratski front BiH nije u poslovnim knjigama pravilno evidentirao prihode i rashode i nije popunio obrasce godišnjeg finansijskog izvještaja za 2017. godinu u skladu sa odredbama Pravilnika o godišnjim finansijskim izvještajima političkih stranaka-u daljem tekstu: Pravilnik, čime su prekršene odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

(1) Stranka nije u skladu sa odredbama Zakona o finansiranju političkih stranaka uspostavila evidenciju o nenovčanoj donaciji koju je ostvarila korištenjem poslovnog prostora bez naknade, niti troškove zakupnine u istom iznosu, čime je prekršila i odredbe člana 13, 18, 21. i 22. Pravilnika.

- (2) Kontrolom prihoda iskazanih u godišnjem finansijskom izvještaju za 2017. godinu, utvrđeno je da je stranka sredstva u iznosu od 100,00 KM primljena iz budžeta Bosne i Hercegovine po osnovu povrata takse za ovjeru političke stranke za učešće na Lokalnim izborima 2016. godine iskazala kao ostale prihode, čime je i ukupne prihode iskazala u većem iznosu za 100,00 KM u odnosu na ostvarene, što je suprotno odredbama člana 13. Pravilnika.

Stranka je, takođe, u poslovnim knjigama vraćena sredstva po osnovu uplaćene takse iskazala kao prihode, što za rezultat ima pogrešno iskazane prihode stranke.

- (3) Socijaldemokratski front BiH nije u godišnjem finansijskom izvještaju iskazao rashode, što je suprotno odredbama člana 21. i 22. Pravilnika.

Naime, uvidom u poslovne knjige, utvrđeno je da je stranka u 2017. godini imala troškove bankarskih usluga koji su iznosili 108,40 KM, odnosno ukupne rashode u iznosu od 108,40 KM.

## 5.2 PREPORUKE

*Preporučuje se Socijal demokratskom frontu BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da vodi evidencije o primljenim priložima,*
- *da vodi pravilne evidencije o prihodima i rashodima, odnosno vodi poslovne knjige u skladu sa računovodstvenim propisima i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

### **KOMENTAR:**

U ostavljenom roku, Socijaldemokratski front BiH nije se očitovao na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2017. godinu.

Šef Odsjeka za revizijske poslove, revizor

Sanja Tošović

Pomoćnik revizora

Anela Burdžović Kapić

Šef Službe za reviziju

Mr.sc Hasida Gušić